



Diahuebs otro siman Charles Croes lo lanza su buki nobo "Caribbean Crossroads"



ORANJESTAD (AAN): Aruba a haya un lugar cu artistanan lo por ta orguyoso di dje, pa den futuro tene nan exposicion y tambe presentacionnan.

Ta trata aki di BAZ-RRR Galeria & Brasserie den Emmastraat na Playa.

Durante un conferencia di prensa convoca na BAZ-RRR, gerente Joase-Ann van der Biest a splica cu e Galeria &

Brasserie aki ta un 'negoshi cu proposito', unda ta bay brinda sosten y apoyo pa tur loke ta arte y cultura di Aruba.

El a mostra cu dia 8 di Augustus venidero, nan lo tin un actividad special. Esey ta ora cu e autor Charles Croes lo lanza su buki nobo.

Joase-Ann van der Biest a splica cu esaki ta hopi importante tambe pasobra hunto cu UNOCA a bin cu e idea pa

promove lesamento di buki tangible, los di e elemento tecnologico, y cu por hinca mas atencion na autornan local. Charles Croes ta lanzando su buki "Caribbean Crossroads". E buki a dura cinco aña pa el a skirbi.

E prome buki cu el a skirbi cu tabatin algo di haber cu Aruba, el a haci esaki den colaboracion cu fotografo Werner Bertsch, kende a saca potret-

nan bunita. Bertsch a pidi Croes pa skirbi poema y storia pa cada potret. Pero Croes no por a haci esey, nunca el a match-up.

El a haye ta keda cu e hendenan den nan cas, algun biha a keda drumi 2 pa 3 dia eynan pa asina haya un sentido di kico e bida ta pa cada uno. Esaki a 'flow' y a pone den un investigacion pa e buki "Caribbean Crossroads".

E buki aki ta un storia cu lo bay haya un segundo parti tambe, segun Croes a revela na e conferencia di prensa. E siguiente buki yama "Dudu". Cu esaki e lo honra e señora cu a cuide tempo cu Charles Croes tabata chikito. Dudu a dune tur amor di un mama y un tata, y tur cos cu e por a spera di un otro ser humano. E buki "Dudu" aki lo sali posiblemente aki 5 luna.